



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

Anr.176/2025

Paneli Zgjedhor për Ankesa dhe Parashtresa (PZAP), i përbërë nga gjyqtarët: Kymete Kicaj kryesuese, Arsim Hamzaj dhe Skender Çoçaj anëtarë, duke vendosur përkitazi me ankesën e subjektit politik Lëvizja Vetëvendosje (LVV), me seli në Prishtinë kundër subjektit politik Partia Kosovskih Srba (PKS), me seli në Mitrovicën e Veriut, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore për Kuvendin e Republikës së Kosovës, që do të mbahen më datë 09 Shkurt 2025, në seancën e panelit të mbajtur me 26.01.2025, mori këtë:

V E N D I M

- I. Pranohet e bazuar ankesa e subjektit politik Lëvizja Vetëvendosje (LVV), me seli në Prishtinë, Anr.176/2025, e datës 24.01.2025,
- II. Subjektit politik Partia Kosovskih Srba (PKS), me seli në Mitrovicën e Veriut, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, i shqiptohet dënimi më gjobë në lartësi prej 3,700.00 (tremijeshtatëqind) euro.
- III. Detyrohet Subjekti politik Partia Kosovskih Srba (PKS), me seli në Mitrovicën e Veriut, që gjobën e shqiptuar si në pikën -I-, të dispozitivit të këtij vendimi, ta paguaj në afat prej 15 ditëve, nga dita e plotfuqishmërisë së këtij vendimi.

A r s y e t i m

Me datë 24.01.2025 PZAP-i, ka pranuar ankesën Anr.176/2025, nga subjekti politik Lëvizja Vetëvendosje (LVV), me të cilën pretendon se më datë 23.01.2025, aktivistë të Lëvizjes Vetëvendosje në Mitrovicën e Veriut kanë identifikuar banerët/posterët e vendosura në hapësirat/rrugët publike të subjektit politik, Partija Kosovskih Srba PKS, në ndërtesën publike në Leposaviq, ku me këtë veprim subjekti politik PKS ka bërë shkelje të nenit 34, paragrafi 1 nën paragrafi 1.2, të Ligjit Nr.08/L-228 për Zgjedhjet e Përgjithshme në Republikën e Kosovës-LZP. Si provë ka bashkangjitur, fotografi që dëshmon vendosjen e banerëve/posterëve me nr. 120, numri Identifikues i subjektit politik PKS, në kundërshtim me LZP.

Në përgjigje në ankesë të paraqitur me datë 25.01.2025, subjekti politik Partija Kosovskih Srba (PKS) thekson se nga inspektimi i fotografive të paraqitura nga Lëvizja Vetëvendosje tregon qartë qëllimin për të fajësuar dhe dënuar Partinë e Serbëve të Kosovës me dëshmi të rreme.

Dhe me këtë ju informojmë se fotografia nga ankesa nr. 176 për gjoja vendosjen e posterave në një lokacion që pretendohet se ndodhet në komunën e Leposaviqit është e rreme dhe se e njëjta foto figuron në ankesën nr. 162, dhe që atëherë pretendohet se ishte në Mitrovicë. Ky synim i ndyrë dhe mashtrim i PZAP-së, nga Vetëvendosja kërkon reagim të rreptë nga Paneli për Ankesa dhe ju ftojme të vini në vendin e ngjarjes dhe të konstatooni se nuk ka postera të PKS-së në hapësirat publike në Leposaviq. Për ne këto janë zgjedhjet e 7 dhe ne i dimë shumë mirë rregullat e sjelljes në fushatën parazgjedhore, ndaj shmangim rreptësisht të biem ndesh me ligjin për veprime të tilla. Si dëshmi po ju dërgojmë ankesën nr. 162, ku nga fotografia kinse nga Mitrovica të dërguar nga Vetëvendosja duket qartë se është e njëjta zonë që më vonë e lidhin me komunën e Leposaviqit.

Kjo është dëshmi e një abuzimi të qartë dhe tendencioz të të drejtës së ankimit nga Vetëvendosje në IPŽP, me qëllim të një sulmi të pabazë ndaj partive politike serbe që kundërshtojnë fuqishëm politikën e Vetëvendosjes!

PZAP-i, pasi që shqyrtoj dhe vlerësoi ankesat gjeti se:

Ankesë është e bazuar

Paneli, nga fotografitë e ofruara si provë nga parashtruesi i ankesës, të cilat gjenden në shkresat e lëndës, në mënyrë të padyshimtë ka konstatuar se posterët/ banerët e subjektit politik, Partija Kosovskih Srba (PKS), kanë shfrytëzuar jashtëligjshëm dhe në kundërshtim me dispozitat ligjore hapësirat publike konkretisht në ndërtesën publike në Leposaviq, në kundërshtim me nenin 34, paragrafi 1 të Ligjit Nr.08/L-228 për Zgjedhjet e Përgjithshme në Republikën e Kosovës LZP, konkretisht neni 34, paragrafi 1 nën paragrafi 1.2 i LZP-së parasheh: "*1. Gjatë periudhës së fushatës, subjekti politik, mbështetësit ose kandidatët e tij, ndalohen nga bërja e ndonjëres si në vijim: 1.2 vendosja e njoftimeve, pllakateve dhe posterëve, ose përndryshe, vendosja e emrave të tyre ose e sloganeve në lidhje me fushatën zgjedhore brenda ose jashtë ndërtesave publike ose godinave, në apo mbi rrugët publike, në shenjat publike të trafikut, brenda ose jashtë hapësirave ose ndërtesave të zëna ose, ndryshe, që shfrytëzohen nga organizatat ndërkombëtare, ose brenda ose në hapësirat private pa leje e pronarëve ose shfrytëzuesve.*

Andaj duke u mbështetur në nenin 117.3 të LZP-së ku përcaktohet se: "vendosja për ankesat nga PZAP-ja mbështetet në dëshmi të qarta dhe bindëse", Paneli vlerësoj se pretendimet e tilla janë të qëndrueshme dhe si të tilla i pranoi, sepse kjo shkelje ka të bëjë me faktin se Kodi i Mirësjelljes i detyron të gjitha subjektet politike, kandidatët, anëtarët e subjekteve dhe mbështetësit e tyre që ta respektojnë këtë kod me qëllim të krijimit të kushteve që gjatë periudhës së fushatës, veprimet e subjekteve politik të jenë në një atmosferë të tolerancës demokratike, paqes dhe respektit për sundimin e ligjit se nga veprimet e përshkruara në ankesë nga parashtruesi i ankesës paraqesin shkelje të dispozitave të lartcekura, dhe të njëjtën e pranoi si të bazuar. Paneli ka shqyrtuar pretendimet në përgjigje në ankesë, mirëpo të njëjtat i ka

vlerësuar të pabazuara, për arsye se nga provat, përkatësisht fotografitë e ofruara si provë nga parashtruesi i ankesës, të cilat gjenden në shkresat e lëndës, në mënyrë të padyshimtë ka konstatuar se posterët/ banerët e subjektit politik, Partija Kosovskih Srba (PKS) nr.120 identifikues që shihet në fotografi i përkasin këtij subjekti politik. Ndërsa është bërë edhe krahasimi i vendit ku janë vendos posteret nga ky subjekt dhe rezulton se nuk është identik me vendin që i referohet ankesa e mëhershme që mban numrin 162, pra nuk qëndron konstatimi se të njëjtat foto janë përdorë për të krijuar dy raste. Paneli ka gjetur se kemi të bëjmë me vendosje të postereve në vende të ndryshme dhe kemi të bëjmë me hapësira publike, shfrytëzimi i të cilave mund të bëhet për qëllime të tilla por që paraprakisht duhet të merret leja nga organet kompetente të komunës.

Gjithashtu Paneli, me rastin e vendosjes së gjobës si në dispozitiv të këtij vendimi, ka marrë parasysh të gjitha rrethanat si në vijim: natyrën e shkeljes, dhe ndikimit të mundshëm të saj në procesin zgjedhor në fjalë, shkallën dhe peshën e shkeljes, se ky veprim i tyre përbën përsëritje të shkeljes së njëjtë për të cilën është shqiptuar gjobë nga ky panel. Kjo konsiston në faktin se Subjekti Politik PKS, ka qenë i njoftuar me obligimet dhe përgjegjësit gjatë procesit të fushatës zgjedhore. Andaj përfshirja e postereve të subjektit të tyre politik për fushatë zgjedhore në hapësira publike gjegjësisht në rrugët publike e lartcekura , përbën shkelje të legjislacionit zgjedhor, saktësisht e sanksionuar me dispozitën saktësisht e sanksionuar me dispozitën e nenit 34 paragrafi 1 nën paragrafi 1.2 të Ligjit NR.08/L-228, për Zgjedhjet e Përgjithshme në Republikën e Kosovës.

Nga arsyet e theksuar më lartë duke bazuar nenin 117 paragrafi 3, neni 118 paragrafi 1 dhe neni 120 paragrafi 1 nën paragrafi 1.3 të LZP-së, të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtrësia
Anr.176/2025 më datë 26.01.2025



Këshilla Juridike: Kundër këtij vendimi nuk lejohet ankesa konform nenit 118 par. 4 të LZP-së.